

03 FEB 2000

AGONG UCAP TAHNIAH KEPADA PRESIDEN SRI LANKA

KUALA LUMPUR, 3 Feb (Bernama) -- Yang di-Pertuan Agong Sultan Salahuddin Abdul Aziz Shah telah mengirim perutusan tahniah kepada Presiden Sri Lanka, Chandrika Bandaranaike Kumaratunga sempena Hari Kebangsaan negara itu esok.

"Kami juga mengambil kesempatan ini untuk mengucapkan tinggi-tibggi tahniah dan juga bagi keamanan, kemajuan dan kemakmuran di Republik Sosialis Demokratik Sri Lanka," titah Seri Paduka dalam perutusan.

Menurut kenyataan yang dikeluarkan oleh Wisma Putra di sini hari ini, Perdana Menteri Datuk Seri Dr Mahathir Mohamad menghantar perutusan kepada rakan sejawatannya Sirimavo Bandaranaike.

Dr Mahathir, dalam perutusannya berkata beliau menaruh harapan untuk mempertingkat dan memperkukuhkan lagi persahabatan dan kerjasama antara Malaysia dan Sri Lanka.

Menteri Luar Datuk Seri Syed Hamid Albar juga menghantar perutusan kepada rakan sejawatannya, Lakshman Kadirgamar.

-- BERNAMA

NM FAZ